




Broj: 01/5-02-1-34/15
Sarajevo, 18. 4. 2016.

**PREDSTAVNIČKI DOM
PARLAMENTARNE SKUPŠTINE BiH
PREDSJEDAVALAČEM DOMA**



Na osnovu člana 48. stav (1) i člana 120. Poslovnika Predstavničkog doma Parlamentarne skupštine BiH („Službeni glasnik BiH“, br. 79/14, 81/15 i 97/15), Komisija za saobraćaj i komunikacije Predstavničkog doma Parlamentarne skupštine BiH je na 20. sjednici, održanoj 18.4.2016., razmatrala Prijedlog zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu, te predsjedavajućem Predstavničkog doma Parlamentarne skupštine BiH podnosi sljedeći

IZVJEŠTAJ

**o Prijedlogu zakona o izmjenama i dopunama Zakona o radnom vremenu,
obaveznim odmorima mobilnih radnika i uređajima za evidentiranje u drumskom
prijevozu**

Vijeće ministara BiH je 24.12.2015. Predstavničkom domu Parlamentarne skupštine BiH dostavilo Prijedlog zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu (u daljnjem tekstu: Prijedlog zakona) za razmatranje po osnovnom zakonodavnom postupku.

Zakonodavno-pravni sektor Sekretarijata PSBiH je 30.12.2015., na osnovu člana 106. st. (1) i (2) Poslovnika Predstavničkog doma, Kolegiju Predstavničkog doma i Ustavnoj komisiji dostavio Mišljenje o usklađenosti Prijedloga zakona s članom 105. Poslovnika Doma i Jedinственим pravilima za izradu pravnih propisa u institucijama BiH. U Mišljenju je navedeno da Prijedlog zakona nije u potpunosti usklađen s članom 105. Poslovnika Doma i Jedinственим pravilima za izradu pravnih propisa u institucijama BiH.

Kolegij Doma je 30.12.2015., u skladu s članom 105. stav (6) Poslovnika Doma, predlagaču zakona uputio Mišljenje Zakonodavno-pravnog sektora i zatražio od predlagača da u roku od sedam dana ispravi uočene nedostatke.

Vijeće ministara BiH je 1.3.2016. Predstavničkom domu Parlamentarne skupštine BiH dostavilo tražene ispravke Prijedloga zakona, Mišljenje Direkcije za evropske integracije o

usklađenosti Prijedloga zakona sa zakonodavstvom EU, te neslužbenu verziju prečišćenog teksta Prijedloga zakona.

Predstavnički dom je na 27. sjednici, održanoj 5.4.2016., usvojio Prijedlog zakona u prvom čitanju.

Član Komisije Momčilo Novaković dostavio je tri amandmana na predloženi tekst zakona.

Komisija za saobraćaj i komunikacije Predstavničkog doma Parlamentarne skupštine BiH (u daljnjem tekstu: Komisija) je na 20. sjednici, održanoj 18.4.2016., u svojstvu nadležne komisije i u prisustvu predstavnika predlagača, razmatrala Prijedlog zakona i podnesene amandmane.

Nakon rasprave, Komisija je jednoglasno usvojila sljedeće amandmane:

Amandman I.

U članu 1. Prijedloga zakona koji se odnosi na član 2. stav (6) osnovnog teksta Zakona, u tački v) riječi: "koji nisu namijenjeni za ljudsku potrošnju" brišu se.

Amandman II.

U članu 5. Prijedloga zakona kojim se u važećem tekstu Zakona u članu 9. iza stava (2) dodaje stav (3), pa se u navedenom stavu (3) tačka b) alineja 2) mijenja i glasi:

„2) jedan redovni sedmični odmor i jedan skraćeni sedmični odmor u trajanju od najmanje 24 sata. Sedmični odmor vozač je dužan nadoknaditi najkasnije do kraja treće sedmice od sedmice korištenja skraćenog sedmičnog odmora.“


Amandman III.

U članu 18. rečenica: „U tački j) na kraju teksta dodaju se riječi: „(čl. (7) i (8)).“ briše se.

U istom članu rečenica: „U tački k) na kraju teksta dodaju se riječi: „(čl. 13 stav (3)).“ briše se.

Nakon završetka rasprave i izjašnjenja o amandmanima, Komisija je jednoglasno prihvatila tekst Prijedloga zakona sa usvojenim amandmanima, te predlaže Predstavničkom domu da usvoji Prijedlog zakona o izmjenama i dopunama Zakona o radnom vremenu, obaveznim odmorima mobilnih radnika i uređajima za evidentiranje u drumskom prijevozu.

U smislu odredbi člana 122. Poslovnika, za izvjestioca na sjednici Predstavničkog doma imenovan je Momčilo Novaković, predsjedavajući Komisije.



Dostavljeno:

- Kolegiju Predstavničkog doma
- Indoku
- a/a